

E BYONGIIRWE OMU KIRAGIRO

*nibija kuba omu katabu k'ebihinguzibwa gavumenti akamanyirwe nka "The Uganda Gazette Extraordinary No. 10 Volume CIII" ak'ebiro 12/02/2010.
Kakateerwa aba UPPC, Entebbe, ha biragiro bya Gavumenti*

EKIRAGIRO 1 *Ekiragiro ky'eb'yitaka (Ekihindwirwemu)* **2010**

EKIRAGIRO KY'E BY'ITAKA (EKIHINDWIRWEMU), EKYA 2010

ENKURATANA Y'EBICWEKA

Ekicweka

1. Okuhinduramu ekicweka 31 eky'Ekiragiro ky'eb'yitaka
2. Okusonsekamu ekicweka kihyaka 32A
3. Okuhinduramu ekicweka 35 eky'Ekiragiro Ekikuru
4. Okuhinduramu ekicweka 35 eky'Ekiragiro Ekikuru
5. Okuhinduramu ekicweka 92 eky'Ekiragiro ekikuru

EKIRAGIRO KY'E BY'ITAKA (EKIHINDWIREMU), EKYA 2010

Ekiragiro ky'okuhinduramu ekiragiro ky'eb'yitaka
habw'okwongera kugumya obugabe bw'okuba ha itaka habw'abantu
abanyakusengere ha itaka omu mulingo guhikire n'abaikazi ha itaka
omu mulingo guhikire habw'itaka erihandiikisiibwe nihakuratirwa
akacweka 237 aka Konsitivityusoni, n'ensonga ezindi ezikwatiraine
n'ebi.

KIKARABIBWAHO EBIRO: 6/01/2010

Kikatandika kuteekwa omu nkora: 12/02/2010

LEKA KIHINGUZIBWE Orukurato Rukuru orw'Ihanga kitit:

1. Okuhinduramu ekicweka 31 eky'Ekiragiro ky'eb'yitaka

Ekicweka 31 eky'Ekiragiro ky'eb'yitaka ekinyakumanywa nk'Ekiragiro kikuru omu Kiragiro kinu, kihindwirwemu—

- (a) nihasonsekamu binu ifo, obu nibiija hanyuma y'akacweka (3c)—

“(3d) Kakusangwa akakurato kaba katakagerekere omu kasumi ak’emyezi 6 hanyuma y’Ekiragiro ky’ebi’Itaka (Ekihindwiremu), ekya 2010 kutandika kukora, esimbi z’obusuru eziraasasurwa omupangisa anyakusengere ha itaka, obusuru busobora kugerekwa Minisita.

(3e) Obusuru oburaasasurwa nihakuratirwa ekicweka kinu, buraaasasulirwa omu kasumi k’omwaka gumu hanyuma ya Minisita kuhinguza obusuru oburaasasurwa kusigikira ha kacweka (3) rundi kucwamu obusuru oburaasasurwa kusigikira ha kacweka (3d)”

(b) Omu kacweka (6) omu kiikaro ky’ebigambo “emyaka ebiri” nihateekwamu “omwaka gumu”.

2. Okusonsekamu ekicweka kihyaka 32A

Ekiragiro kikuru kihindwirwemu nihansonsekamu binu obu nibijja hanyuma y’ekicweka 31—

“32A. Abantu abanyakusengere ha itaka omu mulingo guhikire n’abaikazi ha itaka omu mulingo guhikire kubingwa ha itaka habw’ensonga emu ey’okutasasura busuuru.

(1) Omuntu anyakusengere ha itaka omu mulingo guhikire n’omwikazi ha itaka omu mulingo guhikire tabingwega ha itaka erihandiikisiibwe oihireho buli ekiragiro ky’okubinga kirugire omu kooti kandi nikirugirra ha muntu kulema kusasura obusuuru obwa buli mwaka.

(2) Kooti etakabaire kuha kiragiro ky’okubinga omuntu ha itaka neehondera ekicweka kinu, eraayesigama ha by’okugenderaho ebihairwe omu kicweka 32(1).

(3) Obu eraaba neeha ekiragiro ky’okubinga omuntu, kooti omu kiragiro eki eraayoleka ebiro by’okwezi hali omuntu aina kurugira ha itaka ebitali hansi y’emyezi mukaaga kuruga ha kiro hali ekiragiro kiheeriirwe kandi esobora kuha ekiragiro ekindi kyona ekikwatiraine n’ensimbi ezitrukire, ebintu ebisiisikaire, eby’okuleha rundi ekintu ekindi kyona kurugirra nkooku kooti eraaba neerora kiki ekihikire.

(4) Habw’ekicweka kinu, ekigambo kooti kiraamanyisa kooti enyakuramurwa Omuramuzi w’Idaara I rundi Omuramuzi Mukuru nkooku kiraaba kyolekerwe kandi ebikwatiraine na Kooti

y'ebi'itaka omu kiragiro kinu hamu n'ebindwirwemu ebirumu nibiija kusobororwa.

3. Okuhinduramu ekicweka 35 eky'Ekiragiro Ekikuru

Ekicweka 35 eky'Ekiragiro Ekikuru kihindwirwemu—

(a) Nihasonekwamu binu, obu nibiija hanyuma y'akacweka (1)—

“(1a) Nihakuratirwa akacweka (7) omupangisa anyakuli ha itaka nk’omwikazi araalengaho kupangisa omuntu itaka atabandize kuleka mukama w’itaka nuwe kucwamu kupangisa omuntu ondi itaka, araaba anagire omusango kandi kakuba gumusinga asobora kusasura omutango gw’ensimbi ezitarukuhingura omu bicweka 96 eby’ensimbi rundi kubohwa akasumi akatarukuhingura omu myka ena rundi kusasura omutango n’okubohwa; kandi eky’okupangisa itaka tikiija kwikirizibwa kandi anyakupangisize naija kujuurwa obugabe ha itaka kandi ligaruke omu mikono ya mukama walyo omu buhandiiki:;

(b) Nihasonekwamu binu, obu nibiija hanyuma y'akacweka (7)

“(8) nihakuratirwa akacweka kanu, ekikorwa ky’okuhindura obukama bw’ekyapa ky’itaka obu nikikorwa mukama w’itaka naatunda, naagaba, naaligweteza rundi omulingo ogundi gwona tikiija kutaataganya obugabe obunyakutairweho omu biragiro obw’omwikazi ha itaka omu mulingo oguhikire kandi mukama w’itaka omuhyaka naija kuragirwa kutamu ekitiinisa obugabe ha itaka obunyakuroho.

4. Okuhinduramu ekicweka 59 eky'Ekiragiro Ekikuru

Ekicweka 59 eky'Ekiragiro kikuru kihindwirwemu nihasonekwamu binu obu nibiija hanyuma y'akacweka 57(1)—

“(1a) Kakuba akakurato keetaba omu kutunda itaka rundi ko habwako katunda itaka rundi kakagaba itaka omu mulingo gutahikire kurugirra ha kacweka (1)(a), eki nikiija kuba kitahikire kandi tikyaikirizibwe.

5. Okuhinduramu ekicweka 92 eky'Ekiragiro ekikuru

Ekicweka 92 eky'Ekiragiro Kikuru kihindwirwemu kiti—

(a) nihasonekwamu binu obu nibiija hanyuma y'akacweka (1)(d)—

(e) okulengaho kubinga omuntu ha itaka, rundi kwetaba omu kubinga omuntu anyakusengere ha itaka omu mulingo oguhikire rundi

omwikazi ha itaka omu mulingo guhikire kuruga ha itaka erihandiikisiibwe hataroho kiragiro ky'okubinga;"

(b) Okuhingisa akacweka (4) na binu—

"(4) Omuntu araasingwa omusango kurugirra ha byolekerwe omu kacweka (1)(c) naija kusasura omutango gw'ensimbi ezitarukuhingura omu bicweka 96 eby'ensimbi rundi kubohwa akasumi akatarukuhingura ha myaka ena rundi kusasura omutango n'okubohwa.

(c) nihasonsekwamu binu obu nibiija hanyuma y'akacweka (5)—

"(5a) omuntu anyakusingirwe omusango kurugirra ha kacweka (1)(e) kakuba omusango gumusinga naija kubohwa akasumi akatarukuhingura emyaka musanju."

(5b) Kakuba omuntu asingwa omusango kurugirra ha kacweka (5a), kooti esobora—

(a) kuragira omuntu ogwo kusasura omutango rundi ebintu ebisiisirwe, obu naasasura omuntu ayabingirwe ha itaka; rundi

(b) kuha ekiragiro ngu ebintu bigarurwe buhyaka obu eki nikigobororwamu omuntu ayabingirwe.'